



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

3. Inquantùm se extendunt.

urn:nbn:de:hbz:466:1-29452

dependit à solo populo: sed tunc Apostoli potius vel eorum successores, qui erant superintendentes Episcopi, constituerunt alios Episcopos ac presbyteros, non autem populus: quod expressè dicit scriptura Apostolica, vbi Paulus ad Titum, quem Episcopum fecerat in Creta, inquit Tit. 1. Huius rei gratia reliqui te in Creta, ut constituas oppidatim presbyteros, sicut ego tibi ordinaram &c. & Acto 14. simile probatur, & sic hodiè officium Catholicorum Episcopum est, ordinare vel constituere presbyteros: & sic ordinati ab illis, legittimam habent potestatem clavium in Ecclesia.

Tertiò, claves se extendunt ad remissionem culpe & pœnæ æternæ: hic stat satisfactio Christi, qui mortuus est pro delictis nostris, Rom. 4. & posuit in illū pater iniquitatem omnium nostrum, sed non extendunt se ad remissionē pœnarū temporalium, quæ naturaliter sunt nobis inflictæ & cognatae, ut famæ, sitis, infirmitas, aduersitas mors &c. Nam etiā sancti his obnoxij sunt, neque se extendunt ad pœnas quas pro peccatis peculiaribus Deus infligit, sicut populus Iudaicus propter idololatriam, Exod. 32. & murmurationē, Nu. 21. & propter adulterium, 2. Re. vlt. de Dauide &c. Et nūc plectitur mundus pestilentijs, bellis, dissidijs ac heresibus, propter libidinem, crapulam seu ebriositatem, adulteria, auaritiam, impietatem &c. huiusmodi pœnas non tollunt claves: mitigantur tamen orationibus, eleemosyna, pœnitentia & satisfactione, & cessatione à vitijs, 1 Cor. 11. Si nos ipsos dijudicaremus &c. neq; extendunt se claves ad tollendas afflictiones sanctorū ac varias tribulaciones: nā eiusmodi non sunt pœnæ pro culpis peccatorum, sed potius crux atq; exercitium, quo aboletur & moritur peccatum in nobis, & crescit nouitas Spiritus iuxta Apostolum, exterior homo corruptitur, vt interior renouetur, sicut patet de Iob, Tobia, Paulo, & alijs

& alijs sanctis. Possunt quoq; claves extendi in poenas temporarias, debitas pro culpis peccatorum, iuxta sanctiones canonum atq; veterum Pontificum qui septennem poenitentiam exigunt pro uno peccato mortali, sed hoc solū potest authoritas Papæ & procuratorum Ecclesiæ: nam soli Petro dicta sunt hæc verba, Tibi dabo claves regni cœlorum, Matth. 16. Non sunt hæc verba dicta ad alios Apostolos, Ioan. 20. & Matth. 18. Sed illis dictum fuit simpliciter, Quæcumque ligaueritis super terram, &c. Ideò tenet Ecclesia, quod quanvis omnes sacerdotes pares sint in absoluendo à culpa & poena æterna, non tamen in absoluendo à poena temporaria: Papæ vero authoritas extendit se ad poenam & culpam &c. Christus inquit, Tibi dabo claves regni cœlorum: non inquit, Dabo toti Ecclesiæ, vt hæc tibi eas tradat, aut vt ab ea illas accipias: sed inquit disertè, Tibi dabo. Sunt igitur Procuratores claves, non in persona Ecclesiæ, sed in sua potius tanquam publico superintendenti & officiali ad commoditatem Ecclesiæ & profectum fideliū &c. At inquis: Si sacerdos à poena æterna & culpa absolvit, quare non etiam à poena temporaria? Respondeo, quia Deus sic vult, vt in præsentiⁱ peccatum nostrum sic puniatur in nobis, 2. Reg. 12. vt in Davide, qui à poena æterna absoluitur quidem per prophetam Nathan, sed temporaria poena illi reserabatur, nempe mors filij, persecutio & bellum, vt in ipso peccatum hoc puniretur, & fructus poenitentiae fierent. Sic Apostolus 1. Corinth. 5. tradidit peccatores Sathan ad interitum carnis, & licet culpe Adæ sit remissa, attamen tota posteritas adhuc sentit poenam &c. Roman. 8. Corpus mortuum est propter peccatum, id est, mortificatur,

CAPVT V.

ARGV.